



Kjo që ndodh është një fjalë e vërtetë, të cilën ndonjë xhin e grabit dhe e përcjell në veshin e mikut të tij, i cili pastaj e përzien atë me njëqind gënjeshtër.”

Aishja (Allahu qoftë i kënaqur me të!) tregon: "Disa persona e pyetën të Dërguarin e Allahut ﷺ rreth falltarëve, e në atë rast ai tha: "E tëra është kotësi." Ata thanë: "O i Dërguari i Allahut, nganjëherë ata na tregojnë diçka e cila, pas një kohe, realizohet!" I Dërguari i Allahut ﷺ iu përgjigj: "Kjo që ndodh është një fjalë e vërtetë, të cilën ndonjë xhin e grabit dhe e përcjell në veshin e mikut të tij, i cili pastaj e përzien atë me njëqind gënjeshtër.”

[Sahih] [Muttefek alejhi]

Profeti ﷺ është pyetur për ata që tregojnë për gjërat e panjohura që do të ndodhin në të ardhmen dhe tha: "Mos u kushtoni rëndësi atyre. Mos ua merrni fjalët dhe të mos ju preokupojë çështja e tyre!" Ata thanë: "Ndonjëherë ajo që ata thonë është në përputhje me realitetin, bie fjala, nëse tregojnë për ndodhjen e ndonjë çështjeje të padukshme në filan muajin e në filan ditën, atëherë kjo ndodh sipas asaj që kanë thënë ata." Profeti ﷺ tha: "Xhinët e grabitin atë që dëgjojnë nga lajmet e qiellit, kështu që zbresin te bashkëpunëtorët e tyre në mesin e falltarëve dhe u tregojnë atë që dëgjuan e kështu falltari i shton asaj që dëgjoji prej Qiellit edhe njëqind gënjeshtër."

<https://www.sunnah.global/hadeeth/sq/show/8918>

